

全上古三代秦漢三國六朝文

全漢文卷三十一

烏程嚴

杜延年

延年字幼公南陽杜衍人昭帝初補軍司空拜諫大夫封建平侯擢爲太僕右曹給事中宣帝時坐霍禹免官後召拜北地太守徙西河太守五鳳中拜御史大夫卒諡曰敬侯

奏記霍光爭侯史吳事

吏縱罪人有常法今更詆吳爲不道恐於法深又丞相素無所守持而爲好言於下盡其素行也至擅召中二千石甚無狀延年恩已爲丞相久故及先帝用事非有大故不可棄也聞者民頗言獄深吏爲峻詆今丞相所議又獄事也如是日及丞相恐不合眾心羣下謹譁庶人私議流言四布延年竊重將軍失此名於天下也漢書杜周傳桑弘羊子遷亡過父故吏侯史吳大將軍遂下廷尉王平少府徐仁於獄朝廷皆恐丞相車千秋生之延年通奏記

光爭
曰爲

杜欽

欽字子夏延年子成帝初大將軍王鳳請爲武庫令去官後舉
賢良方正對策曰病賜帛罷後爲議郎復曰病免徵詣王鳳幕
府曰壽終

舉賢良方正對策

陛下畏天命悼變異延見公卿舉直言之士將曰求天心迹得失
也臣欽愚蔽經術淺薄不足曰奉大對臣聞日蝕地震陽微陰盛
也臣者君之陰也子者父之陰也妻者夫之陰也夷狄者中國之
陰也春秋日蝕三十六地震五或夷狄侵中國或政權在臣下或
婦乘夫或臣子背君父事雖不同其類一也臣竊觀人事曰考變
異則本朝大臣無不自安之人外戚親屬無乖刺之心關東諸侯
無強大之國三垂蠻夷無逆理之節殆爲後宮何曰言之曰曰戊

申蝕時加未戌、未土也、土者中宮之部也、其夜地震、未央宮殿中、此必適妾將有爭寵、相害而爲患者、唯陛下深戒之、變惑已類相應、人事失於下、變象見於上、能應之、曰德、則異咎消亡、不能應之、曰善、則禍敗至、高宗遭雉雉之戒、飭己正事、享百年之壽、殷道復興、要在所曰應之、應之非誠不立、非信不行、宋景公小國之諸侯耳、有不忍移禍之誠、出人君之言三、熒惑爲之退舍、曰陛下聖明、內推至誠、深思天變、何應而不感、何搖而不動、孔子曰、仁遠乎哉、唯陛下正后妾、抑女寵、防奢泰、去佚游、躬節儉、親萬事、數御安車、由輦道、親二宮之饗膳、致晨昏之定省、如此、卽堯舜不足與比隆、咎異何足消滅、如不留聽於庶事、不論材而授位、殫天下之財、曰奉淫侈、置萬姓之力、曰從耳目、近諂諛之人、而遠公方、信讒賊之臣、曰誅忠良、賢俊失在巖穴、大臣怨於不巳、雖無變異、社稷之憂也、天下至大、萬事至衆、祖業至重、誠不可曰佚豫爲、不可曰奢泰

持也唯陛下忍無益之欲曰全眾庶之命曰欽愚慙言不足采

本傳又略見五行志下之下

白虎殿對策

其夏上盡召直言之士詣白虎殿對策策曰天地之道何貴王者之法何如六經之義何上人之行何先取人之術何曰當世之治何務各曰經對欽對曰臣聞天道貴信地道貴貞不信不貞萬物不生生天地之所貴也王者承天地之所生理而成之昆蟲草木靡不得其所王者法天地非仁無曰廣施非義無曰正身克己就義恕曰及人六經之所上也孝則事君不忠泄官不敬戰陳無勇朋友不信孔子曰孝無終始而忠不及者未之有也孝人行之所先也觀本行於鄉黨考功能於官職達觀其所舉富觀其所子窮觀其所不爲乏觀其所不取近觀其所爲遠觀其所主孔子曰視其所曰觀其所由察其所安人焉廋哉取人之術也殷因於夏

尚質、周困於殷、尚文、今漢家承周秦之敝、宜抑文尚質、廢奢長儉、表實去僞、孔子曰、惡紫之奪朱、當世治之所務也、臣竊有所憂、言之則拂心逆指、不言則漸日長、爲禍不世、然小臣不敢廢道而求從、違忠而耦意、臣聞玩色無厭、必生好憎之心、好憎之心生、則愛寵偏於一人、愛寵偏於一人、則繼嗣之路不廣、而嫉妒之心興矣、如此則匹婦之說不可勝也、唯陛下純德普施、無欲是從、此則眾庶咸說、繼嗣日廣、而海內長安、萬事之是非、何足備言、

漢書本傳

上疏追訟馮奉世前功

前莎車王殺漢使者、約諸國背畔、左將軍奉世、曰、衛候便宜發兵誅莎車王、策定城郭、功施邊境、議者曰、奉世奉使有指、春秋之義亡、遂事漢家之法、有矯制、故不得侯、今匈奴郅支單于殺漢使者、亡保康居、都護延壽發城郭兵屯田、吏士四萬餘人、曰誅斬之、封爲列侯、臣愚、曰爲比罪、則郅支薄、量敵則莎車眾、用師則奉世寡、

計勝則奉世爲功於遠境安、慮敗則延壽爲禍於國家深、其違命而擅生事同、延壽割地封而奉世獨不錄、臣聞功同賞異、則勞臣疑、罪均刑殊、則百姓惑、疑生無常、惑生不知所從、亡常則節趨不立、不知所從、則百姓無所措手足、奉世圖難忘死、信命殊俗、威功白著、爲世使表、獨抑厭而不揚、非聖主所已、塞疑厲節之意也、願下有司議、漢書馮奉世傳

奏記王鳳理馮野王

竊見令曰、吏二千石告過長安、謁不分別予賜、今有司曰爲子告得歸、賜告不得、是一律兩科、失省刑之意、夫三最予告令也、病滿三月、賜告、詔恩也、令告則得、詔恩則不得、失輕重之差、又二千石病、賜告得歸、有故事得去、郡亡著令、傳曰、賞疑從予、所已廣恩勸功也、罰疑從去、所已慎刑、闕難知也、今釋令與故事而假不敬之法、甚違闕疑從去之意、即曰二千石守千里之地、任兵馬之重、不

宜去郡將。曰：制刑爲後法者，則野王之罪，在木制合前也。刑賞大信，不可不慎。

漢書馮奉世附傳，杜欽在大將軍莫康奏記於鳳，又見藝文類聚五十四。

說王鳳

禮一娶九女，所曰極陽數廣嗣重祖也。必鄉舉求窈窕，不問華色，所曰助理內也。娣姪雖缺，不復補，所曰養壽塞爭也。故后妃有貞淑之行，則胤嗣有賢聖之君；制度有威儀之節，則人君有壽考之福。廢而不由，則女德不厭，女德不厭，則壽命不究於高年。書云：或四三年，言失欲之生害也。男子五十，好色未衰；婦人四十，容貌改前。曰：改前之容，侍於未衰之年，而不曰禮爲制，則其原不可救。而後俛異態，後俛異態，則正后自疑，而支庶有閔適之心。是曰晉獻被納讒之諫，申生蒙無罪之辜。今聖主富於春秋，未有適嗣，方鄉術入學，未親后妃之議。將軍輔政，宜因始初之隆，建九女之制，詳擇有行義之家，求淑女之質，毋必有聲色音技，能爲萬世大法。

夫少戒之在色、小卞之作、可爲寒心、唯將軍常曰爲憂、

漢書本傳

復說王鳳

詩云、殷監不遠、在夏后氏之世、刺戒者至迫近、而省聽者常怠忽、可不慎哉、前言九女、略陳其禍福、甚可悼懼、竊恐將軍不深留意、后妃之制、天壽治亂存亡之端也、迹三代之季世、覽宗宣之饗國、察近屬之符驗禍敗、曷常不由女德、是曰佩玉晏鳴、關雎歎之、知好色之伐性短年、離制度之生無厭、天下將蒙化陵夷而成俗也、故詠淑女、幾曰配上忠孝之篤、仁厚之作也、夫君親壽尊、國家治安、誠臣子之至願所當勉之也、易曰、正其本、萬物理、凡事論有疑、未可立行者、求之往古、則典刑無考之來、今則吉凶同卒、搖易之、則民心惑、若是者、誠難施也、今九女之制、合於往古、無害於今、不逆於民心、至易行也、行之至有福也、將軍輔政而不蚤定、非天下之所望也、唯將軍信臣子之願、念關雎之思、逮委政之隆、及始初

清明爲漢家建無窮之基誠難言忽不可言漢書本傳

說王鳳重后父

車騎將軍至貴將軍宜尊重之敬之無失其意蓋輕細微眇之漸

必生乖忤之患不可不慎衛將軍之日盛於蓋侯近世之事語尙

在於長老之耳唯將軍察焉漢書外戚傳下孝成許皇后傳初后

輔政已八九年矣及成帝立以元舅王鳳爲大司馬車騎將軍將軍與蕭望之杜欽曰爲故事后父重於帝舅乃說鳳

說王鳳絕屬賓

前屬賓王陰未赴本漢所立後卒畔逆夫德莫大於有國子民罪莫大於執殺使者所已不報恩不懼誅者自知絕遠兵不至也有求則卑辭無欲則嬌嫚終不可懷服凡中國所已爲通厚蠻夷隱快其求者爲壤比而爲寇也今縣度之隄非屬賓所能越也其鄉募不足言安西域雖不附不能危城郭前親逆節惡暴西域故絕而不通今悔過來而無親屬貴人奉獻者皆行賈賤人欲通貨市

買目獻爲名、故煩使者送至縣度、恐失實見欺、凡遣使送客者、欲爲防護寇害也、起皮山南、更不屬漢之國、四五斥候士百餘人、五分夜擊刁斗自守、尙時爲所侵盜、驢畜負糧、須諸國粟食、得目自贍、國或貧小不能食、或桀黠不肯給、擁彊漢之節、餒山谷之閒、乞句無所得、離一二旬、則人畜乘相曠野而不反、又歷大頭痛小頭痛之山、赤土身熱之阪、令人身熱無色、頭痛嘔吐、驢畜盡然、又有三池盤石阪道、陘者尺六七寸、長者徑三十里、臨崦嶮不測之深、行者騎步相持、繩索相引、二千餘里、乃到縣度、畜墮未半、阬谷盡靡碎、人墮、歎不得相收視、險阻危害、不可勝言、聖王分九州、制五服、務盛內、不求外、今遣使者、承至尊之命、送蠻夷之賈、勞吏士之眾、涉危難之路、罷弊所恃、百事無用、非久長計也、使者業已受節、可至皮山而還、

漢書西域傳

說王鳳處置夜郎等國

太中大夫匡、使和解蠻夷王侯。王侯受詔已，復相攻，輕易漢使，不
憚國威，其效可見。恐議者遷更復守和解，太守察動靜，有變迺已。
聞如此，則復曠一時。王侯得收獵其眾，申固其謀，黨助眾多，各不
勝忿，必相殄滅。自知罪成，狂犯守尉，遠藏溫暑毒草之地，雖有孫
吳將，賁育士，若入水火，往必焦沒。知勇亡所施，屯田守之，費不可
勝量。宜因其罪惡，未成，未疑漢家加誅，陰勅旁郡守尉，練士馬，大
司農務調穀，積要害處，選任職。太守往，曰：秋涼時，入誅其王侯，尤
不軌者，即已爲不毛之地，亡用之民。聖王不曰勞中國，宜罷郡，放
棄其民，絕其王侯，勿復通。如曰：先帝所立，累世之功，不可墮壞，亦
宜因其萌芽，早斷絕之，及已成形，然後戰師，則萬姓被害。漢書西南夷傳

說王鳳治河

前河決，丞相史楊焉言：延世受焉術，已塞之，蔽不肯見。今獨任延
世，延世見前塞之易，恐其慮害不深，又審如焉言，延世之巧，反不

如焉、且水執各異、不博議利害、而任一人、如使不及今冬成、來春桃華水盛、必羨溢有填淤反壤之害、如此、數郡種不得下、民人流散、盜賊將生、雖重誅延世、無益于事、宜遣焉、及將作大匠許商諫大夫乘馬延年雜作、延世與焉、必相破壞、深論便宜、已相難、極商延年皆明計算、能商功利、足目分別是非、擇其善而從之、必有成

功

漢書溝洫志

復說王鳳起就位

將軍深悼輔政十年、變異不已、故乞骸骨、歸咎於身、刻己自責、至誠動眾、恩知莫不感傷、雖然是無屬之臣、執進退之分、絜其去就之節者耳、非主上所已待將軍、非將軍所已報主上也、昔周公雖老、猶在京師、明不離成周、示不忘王室也、仲山父異姓之臣、無親於宣、就封於齊、猶歎息永懷、宿夜徘徊、不忍遠去、況將軍之於主上、主上之與將軍哉、夫欲天下治安、變異之意、莫有將軍主上照

然知之故攀援不遣書稱公毋困我唯將軍不爲四國流言自疑

於成王曰固至忠

漢書本傳

復說王鳳舉直言極諫

京兆尹章所坐事密吏民見章素好言事曰爲不坐官職疑其曰
日蝕見對有所言也假令章內有所犯雖陷正法事不暴揚自京
師不曉沉於遠方恐天下不知章實有罪而曰爲坐言事也如是
塞爭引之原損寬明之德欽恩曰爲宜因章事舉直言極諫竝見
郎從官展盡其意加於往前曰明示四方使天下咸知主上聖明
不曰言罪下也若此則流言消釋疑惑著明

漢書本傳

戒王鳳

昔周公身有至聖之德屬有叔父之親而成王有獨見之明無信
讒之聽然管蔡流言而周公懼懼侯昭王之舅也權重於秦威震
鄰敵有旦莫偃伏之愛心不介然有閔然范睢起徒步由異國無

雅信、開一朝之說、而穰侯就封、及近者武安侯之見退、三事之跡、相去各數百歲、若合符節、甚不可不察、願將軍由周公之謙懼、損穰侯之威、放武安之欲、毋使范雎之徒得聞其說、漢書本傳

杜業

業、欽兄緩之子、成帝時、嗣爵建平侯、尚帝妹潁邑公主、拜太常、坐法免官、後爲函谷關都尉、坐事免、就國、哀帝卽位、徵復爲太常、左遷上黨都尉、又坐事免、就國、薨、諡曰荒侯、

上書追劾翟方進

方進本與長深結厚、更相稱薦、長陷大惡、獨得不坐、苟欲障塞前過、不爲陛下廣持平例、又無恐懼之心、反因時信其邪辟、報睚眦怨、故事、大逆朋友坐免官、無歸故郡者、今坐長者歸故郡、已深一等、紅陽侯立、坐子受長貨賂、故就國耳、非大逆也、而方進復奏立黨友、後將軍朱博、鉅鹿太守孫宏、故少府陳咸、皆免官歸咸故郡、

刑罰無平。在方進之筆端。眾庶莫不疑惑。皆言孫宏不與紅陽侯相愛。宏前爲中丞時。方進爲御史大夫。舉掾隆可侍御史。宏奏隆前奉使欺謾。不宜執法近侍。方進曰。此怨宏。又方進爲京兆尹時。陳咸爲少府。在九卿高第。陛下所自知也。方進素與司直師丹相善。臨御史大夫缺。使丹奏咸爲奸利。請案驗。卒不能有所得。而方進果自得御史大夫。爲丞相。卽時詆欺。奏免咸。復因紅陽侯事。歸咸故郡。眾人皆言國家假方進大甚。掌帥丹行能無異。及光祿勳許商被病殘。人皆但已。附從方進。常獲尊官。丹前親薦邑子丞相史。能使巫下神。爲國求福。幾獲大利。幸賴陛下至明。遣使者毛莫如先考驗。卒得其奸。皆坐死。假令丹知而白之。此誣罔罪也。不知而白之。是背經術惑左道也。二者皆在大辟。重於朱博。孫宏。陳咸所坐。方進終不舉白。專作威福。阿黨所厚。排擠英俊。託公報私。橫厲無所畏忌。欲以熏轡天下。天下莫不望風而靡。自尙書近臣。

皆結舌杜口、骨肉親屬、莫不股栗、威權泰盛、而不忠信、非所已安
國家也、今聞方進卒病死、不巳尉示天下、反復賞賜厚葬、惟陛下
深思往事、已戒來今、

漢書杜周附傳丞相方進薨、業上書言、

上書言王氏世權

王氏世權日久、朝無骨鯁之臣、宗室諸侯微弱、與繫囚無異、自佐
史已上、至於大吏、皆權臣之黨、曲陽侯根、前爲三公輔政、知趙昭
儀殺皇子、不輒白奏、反與趙氏比周、恣意安行、譖愬故許后、被加
已非罪誅、破諸許族、敗元帝外家、內嫉妬同產兄姊、紅陽侯立、及
涪于氏皆老、被放棄、新喋血京師、威權可畏、高陽侯辟宣、有不養
母之名、安昌侯張禹、好人之雄、惑亂朝廷、使先帝負誦於海內、尤
不可不愼、陛下初卽位、謙讓未皇、孤獨特立、莫可據仗、權臣易世
意若探湯、宜蚤已義割恩、安百姓心、竊見朱博忠信勇猛、材略不
世出、誠國家雄俊之寶臣也、宜徵博置左右、已填天下、此人在朝、

則陛下可高枕而臥矣。昔諸呂欲危劉氏，賴有高祖遺臣周勃、陳平尚存，不者，幾為奸臣笑。

漢書杜周附傳：哀帝即位，業復上書言。

奏事

伏聞東平國無鹽縣山中有大石，無故一夕自起立，臣業愚，以為石者陰類，殆有微人當超口者。漢興以來，今再見矣。其一正曰：孝昭皇帝無繼嗣，見今又復見陛下無繼嗣，見甚可為寒心。

北堂書鈔影宋

本一百六十引漢名臣奏案此奏漢書無

河間獻王經術通明，積德累行，天下雄俊眾儒皆歸之。孝武帝時，獻王朝，被服造次必於仁義，問曰：五策？獻王輒對無窮。孝武帝覽然難之，謂獻王曰：湯曰七十里，文王曰百里，王其勉之。王知其意，歸即縱酒聽樂，因曰終。

史記五宗世家：集解御覽一百五十一並引漢名臣奏

說成帝紹封功臣

昔唐曰萬國，致時雍之政；虞夏曰之多，羣后饗共己之治。湯法三

聖殷氏太平周封八百重譯來貢是曰內恕之君樂繼絕世隆名
之主安立亡國至於不及下車德念深矣成王察牧野之克顧羣
后之勤知其恩結於民心功光於王府也故追述先父之志錄遺
老之策高其位大其寓愛敬飭盡命錫備厚大孝之隆於是爲至
及其沒也世主歎其功無民而不思所息之樹且猶不伐況其廟
乎是曰燕齊之祀與周竝傳子繼弟及歷載不墮豈無刑辟繇祖
之竭力故支庶賴焉逮漢功臣亦皆剖符世爵受山河之誓存曰
著其號亡曰顯其魂賞亦不細矣百餘年閔而襲封者盡或絕失
姓或乏無主朽骨孤於墓苗裔流於道生爲慰隸死爲轉屍曰往
況今甚可悲傷聖朝憐閔詔求其後四方忻忻靡不歸心出入數
年而不省察恐議者不思大義設言虛亡則厚德掩息遂東布章
非所目示化勸後也三人爲眾雖難盡繼宜從尤功

漢書高惠高后文功臣表

序善乎杜業之續說也云云於是成帝後
紹蕭何哀平之世增修費參周勃之屬

賜進士出身三品銜廣東等處提刑按察使司按察使兼管驛傳事務黃岡王毓藻校刊

全漢文卷三十一終

全漢文卷三十二

烏程嚴可均校輯

楊敞

敞、華陰人。昭帝初爲大將軍霍光軍司馬。歷長史、搜粟都尉。始元末遷大司農。元鳳中爲御史大夫。代王詡爲丞相。元平元年九月卒。謚曰敬侯。

奏廢昌邑王

丞相臣敞、大司馬大將軍臣光、車騎將軍臣安世、度遼將軍臣明友、前將軍臣增、後將軍臣充國、御史大夫臣誼、宜春侯臣譚、當塗侯臣聖、隨桃侯臣昌、樂杜侯臣屠耆堂、太僕臣延年、太常臣昌、大司農臣延年、宗正臣德、少府臣樂成、廷尉臣光、執金吾臣延壽、大鴻臚臣賢、左馮翊臣廣明、右扶風臣德長信、少府臣嘉、典屬國臣武、京輔都尉臣廣漢、司隸校尉臣辟兵、諸吏文學光祿大夫臣遷。

臣疇、臣吉、臣賜、臣管、臣勝、臣梁、臣長幸、臣夏侯勝、大中大夫臣德、臣卬、昧死言皇太后陛下、臣敞等頓首死罪。天子所已、永保宗廟、總壹海內者、曰慈孝禮誼賞罰爲本。孝昭皇帝早棄天下、亡嗣、臣敞等議禮曰、爲人後者爲之子也。昌邑王宜嗣、後遣宗正大鴻臚光祿大夫奉節使徵昌邑王、典喪服斬縗、亡悲哀之心、廢禮誼、居道上、不素食、使從官略女子、載衣車、內所居傳舍、始至謁見、立爲皇太子、常私買雞豚、日食、受皇帝信璽、行璽大行前、就次發璽、不封從官、更持節引內昌邑、從官騶宰官奴二百餘人、常與居禁闕內、敖戲、自之符璽、取節十六、朝暮臨令、從官更持節、從爲書曰、皇帝問侍中君卿、使中御府令高昌奉黃金千斤、賜君卿、取十妻、大行在前殿、發樂府樂器、引內昌邑樂人、擊鼓歌吹、作俳倡會下、還上前殿、擊鐘磬、召內泰壹宗廟樂人、輦道牢首鼓吹歌舞、悉奏眾樂、發長安廚三太牢具祠閭室中、視已與從官飲啗、駕法駕、皮軒

鸞旗驪馳北宮桂宮、弄龜闕虎召皇太后、御小馬車、使宮奴騎乘、遊戲掖庭中、與孝昭皇帝宮人蒙等淫亂、詔掖庭令敢泄言要斬、取諸侯王列侯二千石綬及墨綬黃綬、已并佩昌邑郎官者免奴、變易節、上黃旄、已赤發御府金錢刀劍玉器采繒、賞賜所與遊戲者、與從官宮奴夜飲、漉酒於酒、詔太官上乘輿食、如故食、監奏未釋、服未可御故食、復召太官趣具、無關食監、太官不敢具、即使從官出買雞豚、詔殿門內已爲常、獨夜設九賓溫室、延見姊夫昌邑、關內侯祖宗廟祠未舉、爲璽書、使使者持節、已三太牢、嗣昌邑哀王園廟、稱嗣子皇帝受璽、已來二十七日、使者旁午持節、詔諸官署徵發、凡千一百二十七事、文學光祿大夫夏侯勝等、及侍中傅嘉、數進諫、已過失、使人薄責勝、縛嘉繫獄、荒淫迷惑、失帝王禮誼、亂漢制度、臣敞等數進諫、不變更、日已益甚、恐危社稷、天下不安、臣敞等謹與博士臣霸、臣雋、舍臣德、臣虞、舍臣射、臣倉議、皆曰、高

皇帝建功業、爲漢太祖、孝文皇帝、慈仁節儉、爲太宗、今陛下嗣孝
昭皇帝後、行淫辟不軌、詩云、籍曰未知、亦既抱子、五辟之屬、莫大
不孝、周襄王不能事母、春秋曰、天王出居于鄭、繇不孝出之、絕之
於天下也、宗廟重於君、陛下未見命高廟、不可已承天序、奉祖宗
廟、子萬姓、當廢、臣請有司、御史大夫、臣誼、宗正、臣德、太常、臣昌、與
太祝、曰一太牢具、告祠高廟、臣敞等昧死、已聞、漢書霍光傳光與
書令讀奏太
后詔曰可羣臣連名奏、王、尚

奏立皇曾孫

禮曰、人道親親、故尊祖、尊祖故敬宗、太宗無嗣、擇支子孫賢者爲
嗣、孝武皇帝曾孫病已、武帝時有詔掖庭養視、至今年十八、師受
詩論語孝經、躬行節儉、慈仁愛人、可已嗣、孝昭皇帝後、奉承祖宗
廟、子萬姓、臣昧死、已聞、漢書霍光傳光復與丞相
敞等上書皇太后詔曰可

楊惲

惲字子幼，做第二子，初爲郎，補常侍驍，擢左曹，地節中，封平通侯，遷中郎將，神爵初，拜光祿勳，五鳳二年，與太僕戴長樂相失，免爲庶人，後歲餘，要斬。

報孫會宗書

惲材朽行穢，文質無所底，幸賴先人餘業，得備宿衛，遭遇時變，已獲爵位，終非其任，卒與禍會，足下哀其愚蒙，賜書教督，已所不及，殷勤甚厚，然竊恨足下不深惟其終始，而猥隨俗之毀譽也，言鄙陋之愚心，若逆指而文過，默而息乎，恐違孔氏各言爾志之義，故敢略陳其愚，唯君子察焉，惲家方隆盛時，乘朱輪者十人，位在列卿，爵爲通侯，總領從官，與聞政事，曾不能曰：此時有所建明，已宣德化，又不能與羣僚同心并力，陪輔朝廷之遺忘，已負竊位素餐之責久矣，懷祿貪勢，不能自退，遭遇變故，橫被口語，身幽北闕，妻子滿獄，當此之時，自己減夷不足，已塞責，豈意得全首領，復奉先

人之丘墓乎、伏惟聖主之恩、不可勝量、君子游道、樂曰忘憂、小人全軀、說曰忘罪、竊自思念、過已大矣、行已虧矣、長爲農夫、日沒世矣、是故身率妻子、戮力耕桑、灌園治產、以給公上、不意當復用此爲譏議也、夫人情所不能止者、聖人弗禁、故君父至尊親、送其終也、有時而旣、臣之得罪、已三年矣、田家作苦、歲時伏臘、亨羊烹羔、斗酒自勞、家本秦也、能爲秦聲、婦趙女也、雅善鼓瑟、奴婢歌者數人、酒後耳熱、仰天拊缶、而呼烏烏、其詩曰、田彼南山、蕪穠不治、種一頃豆、落而爲箕、人生行樂耳、須富貴何時、是日也、拂衣而喜、奮袂低卬、頓足起舞、誠淫荒無度、不知其不可也、憚幸有餘祿、方糴賤販貴、逐什一之利、此賈豎之事、汗辱之處、憚親行之、下流之人、眾毀所歸、不寒而栗、雖雅知憚者、猶隨風而靡、尙何稱譽之有、董生不云乎、明明求仁義、常恐不能化民者、卿大夫之意也、明明求財利、常恐困乏者、庶人之事也、故道不同、不相爲謀、今子尙安得

呂卿大夫之制，而責僕哉。夫西河魏土，文侯所興，有段干、田子方之遺風，漂然皆有節槩，知去就之分，頃者足下離舊土，臨安定，安定山谷之間，昆戎舊壤，子弟貪鄙，豈習俗之移人哉。於今迺睹子之志矣，方當盛漢之隆，願勉旃，毋多談。漢書楊敞傳、文選

閒居

養羊酤酪，呂供伏臘之費。御覽三十一

睦弘

弘，字孟魯，國蕃人。呂字行，爲議郎，至符節令。元鳳二年，坐祇言伏誅。

上書預推昌邑王宣帝事

先師董仲舒有言：雖有繼體守文之君，不害聖人之受命。漢家繼後，有傳國之運。漢帝宜誰？差天下求索賢人，禮呂帝位，而退自封百里，如殷周二王後。呂承順天命。漢書睦弘傳：昌邑有枯社木，復生，上林苑中有斷柳自立，生有

史記食樹葉成文字曰公孫病已立孟推春秋之意卽說曰云云使友人內官長賜上此書

路溫舒

溫舒字長君鉅鹿東里人初爲獄小吏轉獄吏始元中郡署決曹吏舉孝廉除山邑丞坐法免復爲郡吏元鳳中廷尉解光請署奏曹掾守廷尉史宣帝卽位遷廣陽私府長內史舉文學高第遷右扶風丞後爲臨太守卒於官

上書言宜尙德緩刑

臣聞齊有無知之禍而桓公曰興晉有驪姬之難而文公用伯近世趙王不終諸呂作亂而孝文爲太宗由是觀之禍亂之作將已開聖人也故桓文扶微興壞尊文武之業澤加百姓功潤諸侯雖不及三王天下歸仁焉文帝永思至惠已承天心崇仁義省刑罰通關梁一遠近敬賢如大賓愛民如赤子內恕情之所安而施之於海內是已囹圄空虛天下太平夫繼變化之後必有異舊之恩

此賢聖所曰昭天命也。往者昭帝卽世而無嗣，大臣憂戚，焦心合謀，皆曰昌邑尊親，援而立之。然天不授命，淫亂其心，遂曰自亡，深察禍變之故，迺皇天之所曰開至聖也。故大將軍受命武帝，股肱漢國，披肝膽，決大計，黜亡義，立有德，輔天而行，然後宗廟曰安，天下咸寧。臣聞春秋正卽位，大一統而慎始也。陛下初登至尊，與天合符，宜改前世之失，正始受命之統，滌煩文，除民疾，存亡繼絕，曰應天意。臣聞秦有十失，其一尙存，治獄之吏是也。秦之時，羞文學，好武勇，賤仁義之士，貴治獄之吏，正言者謂之誹謗，過過者謂之妖言，故盛服先生不用於世，忠良切言皆鬱於胸，謦諛之聲日滿於耳，虛美熏心，實禍蔽塞，此乃秦之所曰亡天下也。方今天下賴陛下恩厚，亡金革之危，饑寒之患，父子夫妻戮力安家，然太平未洽者，獄亂之也。夫獄者，天下之大命也，死者不可復生，鋸者不可復屬。書曰：與其殺不辜，寧失不經。今治獄吏則不然，上下相毆，曰

刻爲明深者獲公名、平者多後患、故治獄之吏皆欲人死、非憎人也、自安之道在人之死、是曰死人之血流離於市、被刑之徒比肩而立、大辟之計、歲以萬數、此仁聖之所曰傷也、太平之未洽、凡曰此也、夫人情安則樂生、痛則思死、捶楚之下、何求而不得、故囚人不勝痛、則飾辭曰視之、吏治者利其然、則指道曰明之、上奏畏卻、則鍛練而周内之、蓋奏當之成、雖咎繇聽之、猶曰爲死有餘辜、何則、成練者眾、文致之罪明也、是曰獄吏專爲深刻、殘賊而亡極、始爲一切、不顧國患、此世之大賊也、故俗語曰、畫地爲獄、議不入、刻木爲吏、期不對、此皆疾吏之風、悲痛之辭也、故天下之患、莫深於獄、敗法亂正、離親塞道、莫甚乎治獄之吏、此所謂一尙存者也、臣聞鳥鵲之卵不毀、而後鳳皇集、誹謗之罪不誅、而後良言進、故古人有言、山藪臧疾、川澤納汙、瑾瑜匿惡、國君含詬、唯陛下除誹謗、召切言、開天下之口、廣箴諫之路、掃亡秦之失、尊文武之惠、省

法制寬刑罰、已廢治獄、則太平之風、可興於世、永履和樂、與天亡極、天下幸甚、漢書路溫舒傳、宣帝初、郎位溫舒上書言宜尙德緩刑、又見說苑貴德、少篇首二百五十字。

大鴻臚禹

禹、史失其姓、

奏平干王元不宜立嗣

元前曰刃賊殺奴婢子男、殺謁者、爲刺史所舉奏、罪名明白、病先令、令能爲樂、奴婢從死、迫脅自殺者、凡十六人、暴虐不道、故春秋之義、誅君之子、不宜立、元雖未伏誅、不宜立嗣、漢書景十三王傳、趙敬肅王小子偃爲平干王子、繆王元嗣、薨、大鴻臚禹奏云、云、奏可、國除、案諸侯王表、元薨於元鳳二年、是時大鴻臚禹百官表載失

張壽王

壽王、元鳳中爲大史令、

上書言不宜更祿

厥者天地之大紀上帝所為傳黃帝調律歷漢元年已來用之今

陰陽不調宜更歷之過也漢書律歷志元鳳三年太史令張壽王上書言

丞相屬寶

寶失其姓

劾張壽王

壽王更八百石古之大夫服儒衣誦不祥之辭作妖言欲亂制度

不道漢書律歷志元鳳三年丞相屬寶長安單安國安陵梧育劾壽王下吏

王吉

吉字子陽琅邪皋虞人己郡吏舉孝廉為郎補若盧右丞遷雲

陽令舉賢良為昌邑王中尉昭帝崩迎王入嗣位尋廢己國臣

坐髡為城旦宣帝時起為益州刺史病去官徵為博士諫大夫

尋謝病歸元帝即位復徵為諫大夫道病卒遣使弔祠

上疏諫昌邑王

臣聞古者師日行三十里、吉行五十里、詩云、匪風發兮、匪車揭兮、顧瞻周道、中心慙兮、說曰、是非古之風也、發發者、是非古之車也、揭揭者、蓋傷之也、今者大王幸方輿、曾不半日而馳二百里、百姓頗費耕桑、治道牽馬、臣愚曰爲民不可數變也、昔召公述職、當民事時、舍于棠下、而聽斷焉、是時人皆得其所、後世思其仁恩、至平不伐甘棠、甘棠之詩是也、大王不好書術、而樂逸游、馮式搏衡、馳騁不止、口倦乎叱咤、手苦於箠轡、身勞乎車輿、朝則冒霧露、晝則被塵埃、夏則爲大暑之所暴炙、冬則爲風寒之所壓薄、數曰要脆之玉體、犯勤勞之煩毒、非所曰全壽命之宗也、又非所曰進仁義之隆也、夫廣夏之下、細旃之上、明師居前、勸誦在後、上論唐虞之際、下及殷周之盛、考仁聖之風、習治國之道、訢訢焉、發憤忘食、日新厥德、其樂豈徒銜楸之閒哉、休則俛仰、訓信曰利、形進退步趨、曰實下、吸新吐故、曰練臧、專意積精、曰適神、於曰養生、豈不長哉、

大王誠留意如此，則心有堯舜之志，體有喬松之壽，美聲廣譽，登而上聞，則福祿其臻，而社稷安矣。皇帝仁聖，至今思慕未怠。於宮館園池弋獵之樂，未有所幸。大王宜夙夜念此，曰承聖意，諸侯骨肉，莫親大王。大王於屬則子也，於位則臣也。一身而二任之責加焉，恩愛行義，蟻介有不具者，於曰上聞，非享國之福也。臣古愚，願大王察之。

漢書王吉傳

奏書戒昌邑王

臣聞高宗諒闇，三年不言。今大王曰喪事微，宜日夜哭泣，悲哀而已。慎毋有所發，且何獨喪事？凡南面之君，何言哉？天不言，四時行焉，百物生焉。願大王察之。大將軍仁愛勇智，忠信之德，天下莫不聞。事孝武皇帝二十餘年，未嘗有過。先帝棄羣臣，屬曰天下寄幼孤焉。大將軍抱持幼君，襁褓之中，布政施教，海內晏然。雖周公伊尹亡呂加也，今帝崩亡嗣，大將軍惟思可曰奉宗廟者，攀援而立。

大王其仁厚豈有量哉臣願大王事之敬之政事壹聽之大王垂拱南面而已願留意常曰爲念

漢書王吉傳昭帝崩亡嗣大將軍霍光秉政遣大鴻臚宗正迎昌邑

王吉即奏書戒王

上宣帝疏言得失

陛下躬聖質總萬方帝王圖籍日陳於前惟思世務將興太平詔書每下民欣然若更生臣伏而思之可謂至恩未可謂本務也欲治之主不世出公卿幸得遭遇其時言聽諫從然未有建萬世之長策舉明主於三代之隆者也其務在於期會簿書斷獄聽訟而已此非太平之基也臣聞聖王宣德流化必自近始朝廷不備難曰言治左右不正難曰化遠民者弱而不可勝愚而不可欺也聖主獨行於深宮得則天下稱誦之失則天下咸言之行發於近必見於遠故謹選左右審擇所使左右所曰正身也所使所曰宣德也詩云濟濟多士文王曰寧此其本也春秋所曰大一統者六合

同風九州共貫也。今俗吏所曰牧民者、非有禮義科指可世世通行者也。獨設刑法曰守之、其欲治者、不知所繇。曰意穿鑿、各取一切、權誦自在。故一變之後、不可復修也。是曰百里不同風、千里不同俗、戶異政、人殊服、詐僞萌生、刑罰亡極、質樸日消、恩愛寢薄。孔子曰、安上治民、莫善於禮、非空言也。王者未制禮之時、引先王禮宜於今者而用之、臣願陛下承天心、發大業、與公卿大臣、延及儒生、述舊禮、明王制、敝一世之民、躋之仁壽之域、則俗何曰不若成康。詩何曰不若高宗。竊見當世趨務、不合於道者、謹條奏。惟陛下財擇焉。漢書王吉傳又略見禮樂志

夫婦人倫大綱。天壽之萌也。世俗嫁娶太早、未知爲人父母之道。而有子、是曰教化不明。而民多天。聘妻送女、亡節。則貧人不及。故不舉子。又漢家列侯尚公主、諸侯則國人承翁主、使男事女。夫絀於婦、逆陰陽之位。故多女亂。古者衣服車馬、貴賤有章。曰褒有德。

而別尊卑、今上下僭差、人人自制、是曰貪財趨利、不畏死亡、周之所已能致治、刑措而不用者、曰其禁邪於冥冥、絕惡於未萌也、舜湯不用三公九卿之世、而舉皋陶伊尹、不仁者遠、今使俗吏得任、子弟率多驕橫、不通古今、至於積功治人、亡益於民、此伐榷所爲作也、宜明選求賢、除任子之令、外家及故人、可厚曰財、不宜居位、去角抵、減樂府、省尙方、明視天下曰儉、古者工不造瑯瑤、商不通侈靡、非工商之獨賢、政教使之然也、民見儉則歸本、本立而末成、漢書王吉傳吉曰爲云云又言云云即前疏所謂條奏也今錄於疏後

王駿

駿、吉子、曰孝廉爲郎、建昭初、遷諫大夫、除趙內史、道病、免歸、起爲幽州刺史、遷司隸校尉、河平初、遷少府、陽朔末、拜京兆尹、鴻嘉初、代薛宣爲御史大夫、

論指淮陽王欽

禮爲諸侯制相朝聘之義、蓋曰考禮壹德、尊事天子也、且王不學詩、平詩云、俾侯於魯、爲周室輔、今王舅博、數遺王書、所言悖逆、王幸受詔策、通經術、知諸侯名譽、不當出竟、天子普覆、德布於朝、而恬有博言、多予金錢、與相報應、不忠莫大焉、故事、諸侯王獲罪、京師罪惡輕重、縱不伏誅、必蒙遷削、貶黜之罪、未有但已者也、今聖主赦王之罪、又憐王失計忘本、爲博所惑、加賜璽書、使諫大夫申論至意、殷勤之恩、豈有量哉、博等所犯罪惡大、羣下之所共攻、王法之所不赦也、自今以來、王毋復曰博等累心、務與眾棄之、春秋之義、大能變改、易曰、藉用白茅、无咎、言臣子之道、改過自新、絜已曰承上、然後免於咎也、王其留意慎戒、惟思所已、悔過易行、塞重責、稱厚恩者、如此、則長有富貴、社稷安矣、

漢書宣元六王淮陽王欽傳

劾秦匡衡

監臨盜所、主守直千金、曰上、春秋之義、諸侯不得專地、所曰壹統、

尊法制也。衡位三公，輔國政，領計簿，知郡實，正國界，計簿已定，而背法制，專地盜上，亡自益，及賜明阿承衡意，猥舉郡計，亂滅縣界，附下同上，擅已地附益大臣，皆不道。漢書：「衡傳：司隸校尉駿，少府忠，行廷尉事，劾奏衡。」

于定國

定國，字曼倩，東海郯人。昭帝時爲獄吏，郡決曹，舉侍御史，遷御史中丞。宣帝卽位，爲光祿大夫，平尙書事，遷水衡都尉，地節初，超遷廷尉。凡十八年。甘露中，遷御史大夫，代黃霸爲丞相，封西平侯。永光元年後數歲卒，年七十餘，謚曰安侯。

奏考問楊惲罪

惲不服罪，而召戶將尊，欲令戒飭富平侯，延壽曰：「太僕定有死事數事，朝暮人也。」惲幸與富平侯婚姻，今獨三人坐語，侯言時不聞惲語，自與大僕相觸也。尊曰：「不可。」惲怒，持大刀曰：「蒙富平侯力，得族罪，毋泄惲語。」令太僕聞之，亂餘事。惲幸得列九卿，諸吏宿衛，近

臣上所信任、與聞政事、不竭忠愛、盡臣子義、而妄怨望、稱引爲詆惡言、大逆不道、請逮捕治。

漢書楊敞傳太僕戴長樂上書告楊惲罪事下廷尉廷尉定國考問左驗明白

奏

冀州刺史林

林史失其姓

奏劾代王年

年爲太子時、與女弟則私通、及年立爲王後、則懷年子、其壻使勿舉、則曰、自來殺之、壻怒曰、爲王生子、自令王家養之、則送兒、頃太后所相聞知、禁止、則令不得入宮、年使從季父往來送迎、則連年不絕。

漢書文三王傳地節中冀州刺史林奏

龔遂

遂字少卿、山陽南平陽人、召明經爲昌邑王郎中令、王入嗣位、尋廢、坐國臣髡爲城旦、宣帝時、選爲勃海太守、徵拜水衡都尉、

蠅矢對

陛下之詩不云乎、營營青蠅、至于藩、懜悌君子、毋信讒言、陛下左側、讒人眾多、如是、青蠅惡矣、宜進先帝大臣子孫、親近、自爲左、右、如不忍昌邑故人、信用讒諛、必有凶咎、願詭禍爲福、皆放逐之、臣當先逐矣、漢書武五子傳、昌邑王微卽位、後夢青蠅之矢、指西階東、召問、遂云云、賀不用其言、卒至於廢。

嚴延年

延年、字次卿、東海下邳人、昭帝末、召郡吏選補御史掾、舉侍御史、宣帝時、坐法亡命、遇赦、復爲御史掾、拜平陵令、免、後爲丞相掾、擢好畤令、神爵中、爲涿郡太守、五鳳初、遷河南太守、坐罪弃市。

劾奏霍光

光擅廢立、亡人臣禮、不道、

漢書嚴延年傳、

報張敞書

河南天下喉咽，一周餘斃，莽盛苗穢，何可不鉏也。

漢書嚴延年傳。

賜進士出身三品銜廣東等處提刑按察使司按察使兼管驛傳事務黃岡王毓藻校刊

全漢文卷三十三

烏程嚴可均校輯

蕭望之

望之字長倩、東海蘭陵人、居茂陵、昭帝末、召射策甲科爲郎、署
小苑東門候、免歸爲郡吏、始元中除御史大夫屬、地節中察廉
爲大行治禮丞、拜謁者、遷諫大夫、丞相司直、出爲平原太守、元
康初徵爲少府、尋爲左馮翊、神爵初遷大鴻臚、尋代丙吉爲御
史大夫、五鳳初、貶爲太子太傅、黃龍初、拜前將軍受遺、元帝初
兼光祿勳、爲弘恭石顯所陷、免爲庶人、尋賜爵關內侯、復被收、
飲鴆自殺、

上疏請選諫官

陛下哀愍百姓、恐德化之不究、悉出諫官、已補郡吏、所謂憂其末
而忘其本者也、朝無爭臣、則不知過、過無達士、則不聞善、願陛下

選明經術溫故知新通於幾微謀慮之士、已為內臣、與參政事、諸侯聞之、則知國家納諫憂政、亡有闕遺、若此不怠、成康之道、其庶幾乎外郡不治、豈足憂哉、漢書蕭望之傳、望之為平原太守、上疏書聞、徵入守少府、

建白宜罷中書宦官

尚書百官之本、國家樞機、宜、已通明公正處之、武帝游宴後庭、故

用宦者、非古制也、宜罷中書宦官、應古不近刑人、

漢書石顯傳、初元中、前將軍蕭

望之及光祿大夫周堪、宗正劉更生、皆給事中、望之領尚書事、知顯專權、邪辟建白、已為

劾奏趙廣漢

廣漢摧辱大臣、欲、已劫持、奉公逆節、傷化不道、

漢書趙廣漢傳、廣漢自將吏卒入承

相府、召其夫人跪庭下、受辭、收奴婢十餘人去、責已殺婢事、丞相魏相上書自陳、同直蕭望之劾奏、

奏駁耿壽昌增海租及近糴計

故御史屬徐宮、家在東萊、言往年加海租、魚不出、長老皆言武帝時、縣官嘗自漁海、魚不出、後復予民、魚迺出、夫陰陽之感、物類相

應萬事盡然今壽昌欲近羅漕關內之穀築倉治船費直二萬萬餘有動眾之功恐生旱氣民被其災壽昌習于商功分銖之事其深計遠慮誠未足任宜且如故漢書食貨志大司農中丞耿壽昌東漕卒又自增海租三倍御史大夫蕭望之奏云云上不聽

奏言三公非其人

百姓或乏困盜賊未止二千石多材下不任職三公非其人則三

光爲之不明今首歲日月少光咎在臣等漢書蕭望之傳丞相丙吉年老上重焉望之又

奏言云云上召望之意輕丞相乃下侍中等詰問望之

馮奉世封爵議

奉世奉使有指而擅矯制違命發諸國兵雖有功效不可已爲後

法卽封奉世開後奉使者利已奉世爲比爭逐發兵要功萬里之

外爲國家生事於夷狄漸不可長奉世不宜受封漢書馮奉世傳

節送大宛諸國客至伊修城已節諭告諸國王因發其兵進擊莎車莎車王自殺傳首長安上甚說下議封奉世少府蕭望之獨曰

云云上善
望之議

駁張敞入穀贖罪議

民函陰陽之氣、有仁義欲利之心、在教化之所助、堯在上不能去
民欲利之心、而能令其欲利不勝其好義也、雖桀在上、不能去民
好義之心、而能令其好義不勝其欲利也、故堯桀之分、在於義利
而已、道民不可不慎也、今欲令民量粟、已贖罪、如此、則富者得生、
貧者獨死、是貧富異刑、而法不一也、人情貧窮、父兄因執、聞出財
得已生活、爲人子弟者、將不顧死亡之患、敗亂之行、已赴財利、求
救親戚、一人得生、十人已喪、如此、伯夷之行壞、公綽之名滅、政教
壹傾、雖有周召之佐、恐不能復、古者藏財於民、財字從漢紀補不足則取、
有餘則予、詩曰、爰及矜人、哀此鰥寡、上惠下也、又曰、雨我公田、遂
及我私、下急上也、今有西邊之役、民失作業、雖戶賦口斂、已贖其
困乏、古之通義、百姓莫已爲非、已死救生、恐未可也、陛下布德施

教教化既成、堯舜亡已加也、今議開利路、已傷既成之化、臣竊痛之、漢書蕭望之傳、京兆尹張敞上書、願令諸有罪、得已差入、殺此八郡贖罪、律下有司、望之與少府李弘議、又見荀悅漢紀、又見載文類聚五十四

對兩府難問入穀贖罪議

先帝聖德、賢良在位、作憲垂法、為無窮之規、永惟邊竟之不贍、故金布令甲曰、邊郡數被兵、離饑寒、天絕天年、父子相失、令天下共給其費、固為軍旅卒暴之事也、聞天漢四年、常使死罪人入五十萬錢、減死罪一等、豪強吏民、請奪假貸、至為盜賊、已贖罪、其後姦邪橫暴、羣盜竝起、至攻城邑、殺郡守、充滿山谷、吏不能禁、明詔遣繡衣使者、召興兵擊之、誅者過半、然後衰止、恩已為此使死罪贖之敗也、故曰不便、漢書蕭望之傳

烏孫元貴靡尚少主議

烏孫絕域、信其美言、萬里結婚、非長策也、漢書蕭望之傳、又西域傳下、作烏孫絕域、變故

難保不

可許

烏孫持兩端亡堅約其效可見前少主在烏孫四十餘年恩愛不親密邊境未已安此已事之驗也今少主曰元貴靡不得立而還信無負於四夷此中國之大福也少主不止繇役將興其原起此

漢書蕭望之傳又

見西域傳下小異

對詔問因亂滅匈奴議

春秋晉士臼帥師侵齊聞齊侯卒引師而還君子大其不伐喪曰為恩足曰服孝子誼足曰動諸侯前單于慕化鄉善稱弟遣使請求和親海內欣然夷狄莫不聞未終奉約不幸為賊臣所殺今而伐之是乘亂而幸災也彼必奔走遠遁不日義動兵恐勞而無功宜遣使者弔問輔其微弱救其災患四夷聞之咸貴中國之仁義如遂蒙恩得復其位必稱臣服從此德之盛也

漢書蕭望之傳五

者多曰匈奴為害日久可因其壞亂舉兵滅之詔遣問望之計策望之對云云上從其議

單于朝儀議

單于非正朔所加、故稱敵國、宜待日不臣之禮、位在諸侯王上、外夷稽首稱藩、中國讓而不臣、此則羈縻之誼、謙亨之福也、書曰、戎狄荒服、言其來荒忽亡常、如使匈奴後嗣、卒有烏鼠鼠伏、闕於朝享、不為畔臣、信讓行乎蠻貉、福祚流于亡窮、萬世之長策也、漢書蕭望之傳

戎狄荒服、言其來服荒忽無常、時至時去、宜待日客禮、讓而不臣、如其後嗣、遂逃鼠伏、使於中國、不為叛臣、漢書匈奴傳贊案此約文與本傳小異故並錄之

雨雹對

春秋昭公三年、大雨雹、是時季氏專權、卒逐昭公、鄉使魯君察於天變、宜亡此害、今陛下曰聖德居位、思政求賢、堯舜之用心也、然而善祥未臻、陰陽不和、是大臣任政、一姓擅執之所致也、附枝大

者賊本心。私家盛者公室危。唯明主躬萬機。選同姓。舉賢材。已爲腹心。與參政謀。令公卿大臣朝見奏事。明陳其職。已考功能。如是則庶事理。公道立。姦邪塞。私權廢矣。漢書蕭望之傳。地節三年夏。京師雨雹。望之曰。是上疏。願陳災異。下少府宋畸問狀。望之對曰。爲。

蕭育

育字次君。望之子。宣帝時爲太子庶子。元帝卽位。爲郎。病免。後爲御史。除大將軍功曹。遷謁者。使匈奴副校尉。後爲茂陵令。拜司隸校尉。免。復爲中郎將。使匈奴。歷冀州。青州。兩部刺史。長水校尉。泰山太守。大鴻臚。右扶風。免。哀帝時。拜南郡太守。病去官。起爲光祿大夫。執金吾。

奏封事薦馮野王

野王行能高妙。內足與圖身。外足已虛化。竊惜野王懷國之寶。而不得陪朝廷。與朝者並。野王前已王舅出。已賢復入。明國家樂進。

賢也。漢書馬本世附傳胡乃刺史蕭育奏封事薦言案胡方即黃州又案于章屬鴻野王封事宋三語與此同

金安上

安上字子侯，莊侯曰偉弟倫之子。宣帝時為侍中，賜爵關內侯，進封都成侯，遷建章衛尉，諡曰敬侯。

上書言昌邑王賀

賀，天之所棄，陛下至仁，復封為列侯，賀罷，頑放廢之人，不宜得奉

宗廟朝聘之禮。漢書武五子昌邑王傳侍中衛尉金安上上書言奏阿

柯

柯，史不著其姓，宣帝時為揚州刺史。

奏昌邑王賀罪

賀與故太守卒史孫萬世交通，萬世問賀，前見廢時，何不堅守，毋出宮，斬大將軍而聽人奪璽綬乎？賀曰：然，失之。萬世又曰：賀且王豫章，不久為列侯，賀曰：且然，非所宜言。漢書武五子昌邑王傳元康三年封賀為海昏侯後

數年揚州刺史柯奏
云云制日削戶三十

廖

廖史不著其姓宣帝時爲豫章太守

奏絕昌邑王後

舜封象於有鼻死不爲置後呂爲暴亂之人不宜爲太祖海昏侯
賀死上當爲後者子充國充國死復上弟奉親奉親復死是天絕
之也陛下聖仁於賀甚厚雖舜於象無呂加也宜呂禮絕賀呂奉
天意願下有司議

漢書武五子傳賀薨
豫章太守廖奏言

鄭吉

吉會稽山陰人初爲郎地節中呂侍郎田渠黎破車師遷衛司
馬護鄯善呂西南道神爵中降日逐并護車師呂西北道於是
始置都護西域騎都尉封安遠侯卒諡曰繆侯
上書請益車師田卒

車師去渠黎千餘里，閉己河山，北近匈奴。漢兵在渠黎者，執不能相救。願益田卒。

漢書西域傳下

辛武賢

武賢，狄道人。元康中，爲酒泉太守。神爵初，拜破羌將軍。羌軍還歸酒泉，後復爲破羌將軍。

奏擊罕开

郡兵皆屯備南山，北邊空虛，執不可久。或曰：「至秋冬，迺進兵。」此虜在境外之冊。今虜朝夕爲寇，土地寒苦，漢馬不能冬屯。兵在武威，張掖、酒泉，萬騎已上，皆多羸瘦，可益馬食。已七月上旬，齎三十日糧，分兵並張掖、酒泉，合擊罕开。在鮮水上者，虜曰：「畜產爲命。」今皆離散，兵即分出，雖不能盡誅，宜奪其畜產，虜其妻子，復引兵還冬，復擊之。大兵仍出，虜必震壞。

漢書趙充國傳：「酒泉太守辛武賢奏言：『天子下其書，充國令與校尉已下。』」

知羌事者傳議

辛慶忌

慶忌字子真、武賢子、宣帝時爲右校丞、屯烏孫赤谷城、拜侍郎、遷校尉、屯焉耆國、還爲謁者、元帝初、補金城長史、舉茂材、遷郎中、轉校尉、遷張掖太守、徙酒泉太守、成帝初、徵爲光祿大夫、遷左曹中郎將、至執金吾、左遷酒泉太守、復徵爲光祿大夫、執金吾、左遷雲中太守、徵爲光祿勳、拜右將軍、諸吏散騎給事中、徙左將軍、元延初卒官。

上書理劉輔

臣聞明主垂寬容之聽、崇諫爭之官、廣開忠直之路、不罪狂狷之言、然後百僚在位、竭忠盡謀、不懼後患、朝廷無調諛之士、元首無失道之譽、竊見諫大夫劉輔、前自縣令求見、擢爲諫大夫、此其言必有卓詭切至當聖心者、故得拔至於此、旬日之間、收下祕獄、臣等愚臣爲輔幸得託公族之親、在諫臣之列、新從下土來、未知朝

廷體獨觸忌諱不足深過小罪宜隱忍而已如有大惡宜暴治理
官與眾共之昔趙簡子殺其大夫鳴犢孔子臨河而還今天心未
豫災異屢降水旱迭臻方當降寬廣問寢直盡下之時也而行慘
急之誅於諫爭之臣震驚羣下失忠直心假令輔不坐直言所坐
不著天下不可戶曉同姓近臣本已言顯其於治親養忠之義誠
不宜齒囚於掖庭獄公卿已下見陛下進用輔亟而折傷之暴人
有懼心精銳銷滅莫敢盡節正言非所已昭有虞之聽廣德美之
風也臣等竊深傷之唯陛下留神省察漢書劉輔傳成帝欲立輔
佐作爲皇后輔上書繫掖
庶必欲左將軍辛慶忌右將軍廉褒光祿大夫師丹太中大夫谷永俱上書
韋玄成

玄成字少翁魯國鄒人丞相賢之少子爲諫大夫遷大河都尉
襲爵扶陽侯拜河南表作河內太守神爵末徵爲未央衛尉五鳳中
遷太常坐楊惲免起爲淮南王中尉元帝卽位進少府遷太子

太傅永光初拜御史大夫代于定國爲丞相建昭三年卒諡曰共侯

劾劉更生

更生前爲九卿坐與望之堪謀排車騎將軍高許史氏侍中者毀離親戚欲退去之而獨專權爲臣不忠幸不伏誅復蒙恩徵用不悔前過而敎令人言變事誣罔不道漢書楚元王交附傳更生使外親上變事逮繫獄下太傅

奏發陳咸朱雲事

咸宿衛執法之臣幸得進見漏泄所聞曰私語雲爲定奏草欲令自下治後知雲亡命罪人而與交通雲曰故不得上漢書朱雲傳

曰上字屬下文誤

罷郡國廟議

臣聞祭非自外至者也繇中出生於心也故惟聖人爲能饗帝孝

子爲能饗親立廟京師之居躬親承事四海之內各曰其職來助祭尊親之大義五帝三王所共不易之道也詩云有來雍雍至止肅肅相維辟公天子穆穆春秋之義父不祭於支庶之宅君不祭於臣僕之家王不祭於下土諸侯臣等愚曰爲宗廟在郡國官無修臣請勿復修漢書韋賢傳永光四年詔先議罷郡國廟丞相玄成御史大夫鄭弘太子太傅嚴彭祖少府歐陽地餘諫大夫尹更始等七十人皆曰云云奏可

毀廟議

禮王者始受命諸侯始封之君皆爲太祖曰下五廟而迭毀毀廟之主祫乎太祖五年而再殷祭言壹禘壹祫也祫祭者毀廟與未毀廟之主皆合食於太祖父爲昭子爲穆孫復爲昭古之正禮也祭義曰王者禘其祖自出曰其祖配之而立四廟言始受命而王祭天曰其祖配而不爲立廟親盡也立親廟四親親也親盡而迭毀親疏之殺示有終也周之所曰七廟者曰后稷始封文王武王

受命而王是已三廟不毀與親廟四而七非有后稷始封文武受命之功者皆當親盡而毀成王成二聖之業制禮作樂功德茂盛廟猶不世已行爲諡而已禮廟在大門之內不敢遠親也臣愚已爲高帝受命定天下宜爲帝者太祖之廟世世不毀承後屬盡者宜毀今宗廟異處昭穆不序宜入就太祖廟而序昭穆如禮太上皇孝惠孝文孝景廟皆親盡宜毀皇考廟親未盡如故

四十人奏議

毀廟遷主議

祖宗之廟世世不毀繼祖已下五廟而迭毀今高皇帝爲太祖孝文皇帝爲太宗孝景皇帝爲昭孝武皇帝爲穆孝昭皇帝與孝宣皇帝俱爲昭皇考廟親未盡太上孝惠廟皆親盡宜毀太上廟主宜瘞園孝惠皇帝爲穆主遷於太祖廟寢園皆無復修

漢書韋賢傳玄成等奏奏可

復言罷文昭太后寢祠園

古者制禮別尊卑貴賤國君之母非適不得配食則薦於寢身沒而已陛下躬至孝承天心建祖宗定迭毀序昭穆大禮既定孝文太后孝昭太后寢祠園宜如禮勿復修

漢書韋賢傳明年立成復言奏可

侍郎章

章史不著其姓宣帝時爲侍郎

上疏言宜聽章立成讓襲爵

聖王貴呂禮讓爲國宜優養立成勿枉其志使得自安衡門之下

漢書韋賢傳立成當襲爵呂病狂不應召大鴻臚奏狀立成友人侍郎章亦上疏言

戴長樂

長樂神爵初爲太僕五鳳坐事免爲庶人

上疏告楊惲罪

高昌車奔入北掖門惲語富平侯張延壽曰聞前有奔車抵殿門

門關折馬死而昭帝崩今復如此天時非人力也左馮翊韓延壽
有罪下獄惲上書訟延壽郎中丘常謂惲曰聞君侯訟韓馮翊當
得活乎惲曰事何容易脛脛者未必全也我不能自保眞人所謂
鼠不容穴銜寢數者也又中書謁者令宣持單于使者語視諸將
軍中朝二千石惲曰冒頓單于得漢美食好物謂之歟惡單于不
來明甚惲上觀西閣上畫人指桀紂畫謂樂昌侯王武曰天子過
此一二問其過可已得師矣畫人有堯舜禹湯不稱而舉桀紂惲
聞匈奴降者道單于見殺惲曰得不肖君大臣爲畫善計不用自
令身無處所若秦時但任小臣誅殺忠良竟已滅亡令親任大臣
卽至今耳古與今如一丘之貉惲妄引亡國已誹謗當世無人臣
禮又語長樂曰正月已來天陰不雨此春秋所記夏侯君所言行
必不至河東矣已主上爲戲語尤悖逆絕理

漢書楊
敞傳

王生

生宣帝時爲太子庶子

案龔遂傳亦有王生由勃海議曹入爲水衡丞以此同時未審卽其人不否也

與蓋寬饒書

明主知君絜曰公正、不畏彊禦、故命君曰司察之位、擅君曰奉使之權、尊官厚祿、已施於君矣、君宜夙夜惟思、當世之務、奉法宣化、憂勞天下、雖日有益、月有功、猶未足、曰稱職而報恩也、自古之治、三王之術、各有制度、今君不務循職而已、迺欲曰太古久遠之事、匡拂天子、數進不用、難聽之語、曰摩切左右、非所曰揚令名、全壽命者也、方今用事之人、皆明習法令、言足曰飾君之辭、文足曰成君之過、君不爲邁氏之高蹤、而慕子胥之末行、用不訾之軀、臨不測之險、竊爲君痛之、夫君子直而不挺、曲而不訕、大雅云、旣明且哲、曰保其身、狂夫之言、聖人擇焉、唯裁省覽、

漢書蓋寬饒傳

蓋寬饒

寬饒字次公、魏郡人、初爲郡文學、曰孝廉爲郎、舉方正對策高

第遷諫大夫、行郎中戶將事、左遷衛司馬、拜太中大夫、擢爲司
隸校尉、神爵二年、昌奏事忤旨、自殺、

奏封事

方今聖道滯廢、儒術不行、昌刑餘爲周召、昌法律爲詩書、

韓氏易傳言、五帝官天下、三王家天下、家昌傳子、官昌傳賢、若四

時之運功成者去、不得其人、則不居其位、

漢書蓋寬饒傳、是時上方用刑法、信任中尚書

官、寬饒奏封事、

鄭昌

昌字次卿、泰山剛人、宣帝時爲太原涿郡太守、入爲諫大夫、

請刪定律令疏

聖主置諫爭之臣者、非昌崇德防逸豫之生也、立法明刑者、非昌
爲治救衰亂之起也、今明主躬垂明聽、雖不置廷平、獄將自正、若
開後嗣、不若刪定律令、律令一定、愚民知所避、姦吏無所弄矣、今

不正其本而置延平曰理其末也政衰聽怠則延平將招權而為

亂首矣

漢書刑法志宣帝置延平時派郡太守鄭昌上疏言宣帝未及修正

上書理蓋寬饒

臣聞山有猛獸藜藿為之不采國有忠臣姦邪為之不起司隸校尉寬饒居不求安食不求飽進有憂國之心退有死節之義上無許史之屬下無金張之託職在司察直道而行多仇少與上書陳國事有司劾曰大辟臣幸得從大夫之後官曰諫為名不敢不言漢書蓋寬饒傳諫大夫鄭昌照傷寬饒忠直憂國昌言事不當意而為文吏所詆排上書頌寬饒云云上不聽

辭廣德

廣德字長卿沛郡相人神爵中為博士遷諫大夫初元末代貢禹為長信少府御史大夫永光初昌病免

上元帝書諫射獵

竊見關東困極人民流離陛下日撞亡秦之鐘聽鄼衛之樂臣誠

悼之。今士卒暴露，從官勞倦，願陛下亟反宮，思與百姓同憂樂。天

下幸甚。

漢書薛廣德傳

韓延壽

延壽，一姓李，字子惠，南郡人。五鳳中，爲丞相司直。建昭初，遷執金吾，歷衛尉，拜御史大夫，竟寧初卒。

奏劾蕭望之

侍中謁者良使丞制詔望之，望之再拜已。良與望之言，望之不起，因故下手，而謂御史曰：「良禮不備，故事丞相病，明日御史大夫輒問病，朝奏事，會廷中，差居丞相後，丞相謝大夫少進，揖今丞相數病，望之不問病，會廷中，與丞相均禮，時議事不合意，望之曰：『侯年寧能父我邪？』知御史有令，不得擅使，望之多使守史自給車馬之杜陵，護視家事，少史冠法冠，爲妻先引，又使買賣私取附益，凡十萬三千，案望之大臣，通經術，居九卿之右，本朝所仰，至不奉法自

修踞慢不遜讓受所監減二百五十呂上請逮捕繫治

漢書蕭望之傳

孫會宗

會宗西河人五鳳中爲安定太守坐楊惲事免官

與楊惲書

大臣廢退當闔門惶懼爲可憐之意不當治產業通賓客有稱譽

漢書楊敞傳惲既失爵位家居治產業起室宅目財自娛減餘其友人孫會宗與惲書諫戒之

歐陽地餘

地餘千乘人歐陽生七世孫世受尚書宣帝時爲太子中庶子

後爲博士論石渠元帝卽位進侍中中大夫永光初爲少府

戒子

我死官屬卽送汝財物慎毋受汝九卿儒者子孫已廉潔著可已

自成

漢書儒林傳

徐福

福、茂陵人。宣帝時，召上疏為郎。

上疏言霍氏

霍氏太盛，陛下即厚愛之，宜曰時抑制，無使至亡。漢書霍光傳：茂陵徐生上疏言：人為徐生上書，上迺賜緡帛十匹，後召為郎。

賜進士出身三品銜廣東等處提刑按察使司按察使兼管驛傳事務黃岡王毓藻校刊

全漢文卷三十四

烏程嚴可均校輯

貢禹

禹字少翁琅邪人宣帝時召明經徵博士出爲涼州刺史病去官復舉賢良爲河內令去官元帝卽位徵爲諫大夫遷光祿大夫歷長信少府代陳萬年爲御史大夫

上書乞骸骨

臣禹年老貧窮訾不滿萬錢妻子糠豆不贍裋褐不完有田百三十畝陛下過意徵臣臣賣田百畝召供車馬至拜爲諫大夫秩八百石奉錢月九千二百廩食太官又蒙賞賜四時雜綰絮衣服酒肉諸果物德厚甚深疾病侍醫臨治賴陛下神靈不死而活又拜爲光祿大夫秩二千石奉錢月萬二千祿賜愈多家日益富身日益尊誠非草茅愚臣所當蒙也伏自念終亡已報厚恩日

夜慙愧而已。臣禹犬馬之齒八十一，血氣衰竭，耳目不聰明，非復能有補益。所謂素餐尸祿，沔朝之臣也。自痛去家三千里，凡有一子，年十二，非有在家爲臣具棺槨者也。誠恐一旦蹕仆，氣竭不復自還，沔席薦於宮室，骸骨弃捐，孤魂不歸，不勝私願。願乞骸骨，及身生歸鄉里，死亡所恨。漢書貢禹傳

上書言得失

口錢

古者亡賦，算口錢。起武帝征伐四夷，重賦於民，民產子三歲則出口錢，故民重困。至於生子輒殺，甚可悲痛。宜令兒七歲去齒，乃出口錢，年二十迺算。漢書貢禹傳

錢幣

古者不曰金錢爲幣，專意於農故。一夫不耕，必有受其飢者。今漢家鑄錢及諸鐵官，皆置吏卒徒攻山取銅鐵，一歲功十萬人已上。

中農食七人是七十萬人常受其飢也鑿地數百丈銷陰氣之精
地減空虛不能含氣出雲斬伐林木亡有時禁水旱之災未必不
繇此也自五銖錢起已來七十餘年民坐盜鑄錢被刑者眾富人
積錢滿室猶亡厭足民心搖動商賈求利東西南北各用智巧好
衣美食歲有十二之利而不出租稅農夫父子暴露中野不避寒
暑梓草杷土手足胼胝已奉穀租又出橐稅鄉部私求不可勝供
故民棄本逐末耕者不能半貧民雖賜之田猶賤賣已賈窮則起
爲盜賊何者末利濫而惑於錢也是已姦邪不可禁其原皆起於
錢也疾其末者絕其本宜罷采珠王金銀鑄錢之官亡復已爲幣
市井勿得販賣除其租銖之律租稅祿賜皆已布帛及穀使百姓
壹歸於農復古道便

漢書貢禹傳又略見食貨志

減宮衛免諸官奴婢

諸離宮及長樂宮衛可減其大半已寬繇役又諸官奴婢十萬餘

人戲游亡事稅良民已給之歲費五六鉅萬宜免為庶人稟食漢書

戍卒

合代關東戍卒乘北邊亭塞候望漢書貢禹傳

私販賣

令近臣自諸曹侍中已上家亡得私販賣與民爭利犯者輒免官

削爵不得仕宦漢書貢禹傳

贖罪

孝文皇帝時貴廉潔賤貪汙買人贅壻及吏坐贓者皆禁錮不得為吏賞善罰惡不阿親戚罪白者伏其誅疑者已與民亡贖罪之法故令行禁止海內大化天下斷獄四百與刑錯亡異武帝始臨天下尊賢用士闢地廣境數千里自見功大威行遂從者欲用度不足迺行壹切之變使犯法者贖罪入穀者補吏是已天下奢侈

官亂民貧盜賊竝起亡命者眾郡國恐伏其誅則擇便巧史書習於計簿能欺上府者召爲右職姦軌不勝則取勇猛能操切百姓者召苛暴威服下者使居大位故亡義而有財者顯於世欺謾而善書者尊於朝諄逆而勇猛者貴於官故俗皆曰何召孝弟爲財多而光榮何召禮義爲史書而仕宦何召謹慎爲勇猛而臨官故黜劓而髡鉗者猶復攘臂爲政於世行雖犬彘家富執足目指氣使是爲賢耳故謂居官而置富者爲雄桀處姦而得利者爲壯士兄勸其弟父勉其子俗之壞敗迺至於此察其所召然者皆召犯法得贖罪求士不得眞賢相守崇財利誅不行之所致也今欲興至治致太平宜除贖罪之法相守選舉不召實及有賊者輒行其誅亡但免官則爭盡力爲善貴孝弟賤賈人進眞賢舉實廉而天下治矣孔子匹夫之人耳召樂道正身不解之故四海之內天下之君微孔子之言亡所折中況乎召漢地之廣陛下之德處南而

之尊、秉萬乘之權、因天地之助、其於變世易俗、調和陰陽、陶冶萬物、化正天下、易於決流、抑隊自成、康呂來幾、且千歲欲爲治者、甚眾、然而太平不復興者、何也、呂其舍法度而任私意、奢侈行而仁義廢也、陛下誠深念高祖之苦、醇法太宗之治正己、呂先下選賢、呂自輔、開進忠正、致誅姦臣、遠放譎佞、放出園陵之女、罷倡樂、絕鄭聲、去甲乙之帳、退僞薄之物、修節儉之化、驅天下之民皆歸於農、如此不解、則三王可侔、五帝可及、唯陛下留意省察、天下幸甚、
漢書貢禹傳又見
藝文類聚五十四

奏宜放古自節

古者宮室有制、宮女不過九人、秣馬不過八匹、牆塗而不珣、木塵而不刻、車輿器物皆不文畫、苑囿不過數十里、與民共之、任賢使能、什一而稅、亡它賦斂、繇戍之役、使民歲不過三日、千里之內自給、千里之外各置貢職而已、故天下家給人足、頌聲並作、至高祖

孝文孝景皇帝循古節儉宮女不過十餘廐馬百餘匹孝文皇帝衣綈履革器亡琬文金銀之飾後世爭爲奢侈轉益盛臣下亦相放效衣服履綉刀劍亂於主上主上時臨朝入廟眾人不能別異甚非其宜然非自知奢侈也猶魯昭公曰吾何僭矣今大夫僭諸侯諸侯僭天子天子過天道其日久矣承衰救亂矯復古化在於陛下臣愚已爲盡如太古難宜少放古已自節焉論語曰君子樂節禮樂方今宮室已定亡可奈何矣其餘盡可減損故時齊三服官輸物不過十筭方今齊三服官作工各數千人一歲費數鉅萬蜀廣漢主金銀器歲各用五百萬三工官官費五千萬東西織室亦然廐馬食粟將萬匹臣禹嘗從之東宮見賜杯案盡文畫金銀飾非當所已賜食臣下也東宮之費亦不可勝計天下之民所爲大飢餓死者是也今民大飢而死死又不葬爲犬豬所食人至相食而廐馬食粟苦其大肥氣盛怒至迺日步作之王者受命於

天爲民父母、固當若此乎。天不見邪。武帝時又多取好女、至數十人。已填後宮、及棄天下、昭帝幼弱、霍光專事、不知禮正、妄多臧金錢財物、鳥獸、魚鼈、牛馬、虎豹生禽、凡百九十物、盡瘞臧之。又皆已後宮女置於園陵、大失禮逆天心。又未必稱武帝意也。昭帝晏駕、光復行之。至孝宣皇帝時、陛下烏有所言。羣臣亦隨故事、甚可痛也。故使天下承化、取女皆大過度、諸侯妻妾或至數百人。豪富吏民畜歌者至數十人。是已內多怨女、外多曠夫。及眾庶葬埋皆虛地上。已實地下。其過自上生。皆在大臣循故事之臯也。唯陛下深察古道、從其儉者、大減損乘輿服御器物、三分去二。子產多少、有命。審察後宮、擇其賢者、畱二十人、餘悉歸之。及諸陵園女亡子者、宜悉遣。獨杜陵宮人數百、誠可哀憐也。廐馬可亡過數十匹。獨舍長安城南苑地、已爲田獵之囿。自城西南至山西至鄠、皆復其田。已與貧民。方今天下飢饉、可亡大自損減、已救之、稱天意乎。天生

聖人蓋爲萬民非獨使自娯樂而已也故詩曰天難誣斯不易惟王上帝臨汝毋貳爾心當仁不讓獨可曰聖心參諸天地揆之往古不可與臣下議也若其阿意順指隨君上下臣禹不勝拳拳不敢不盡愚心

漢書貢禹傳

奏請正定廟制

古者天子七廟今孝惠孝景廟皆親盡宜毀及郡國廟不應古禮

宜正定

漢書韋玄成傳

送匈奴侍子議

春秋之義許夷狄者不壹而足今鄧支單于鄉化未醕所在絕遠

宜令使者送其子至塞而還

漢書陳湯傳初元四年鄧支遣使奉獻因求侍子願爲內附漢議遣衛同

馬谷吉送之御史大夫貢禹博士匡衡曰爲

匡衡

衡字稚圭東海承人宣帝時射策甲科目不應令除爲太常掌

故調補平原文學、元帝卽位、大司馬史高辟議曹史、薦爲郎中、遷博士給事中、進光祿大夫、太子少傅、拜光祿勳、御史大夫、建昭中、代韋玄成爲丞相、封樂安侯、成帝卽位、連乞骸骨、不許、建始三年、免爲庶人。

上疏言政治得失

臣聞五帝不同樂、三王各異教、民俗殊務、所遇之時異也。陛下躬聖德、開太平之路、閔愚吏民、觸法抵禁、比年大赦、使百姓得改行自新、天下幸甚。臣竊見大赦之後、姦邪不爲衰止、今日大赦、明日犯法、相隨入獄、此殆導之未得其務也。蓋保民者、陳之曰德義、示之曰好惡、觀其失而制其宜、故動之而和、綏之而安。今天下俗貪財賤義、好聲色、上侈靡、廉恥之節薄、淫辟之意縱、綱紀失序、疏者踰內、親戚之恩薄、婚姻之黨隆、苟合徼幸、曰身設利、不改其原、雖歲赦之、刑猶難使錯而不用也。臣愚曰爲宜壹曠然大變其俗、孔

子曰能己禮讓爲國乎何有朝廷者天下之楨幹也公卿大夫相與循禮恭讓則民不爭好仁樂施則民不暴上義高節則民興行寬柔和惠則眾相愛四者明王之所己不嚴而成化也何者朝有變色之言則下有爭鬪之患上有自專之士則下有不讓之人上有克勝之佐則下有傷害之心上有好利之臣則下有盜竊之民此其本也今俗吏之治皆不本禮讓而上克暴或收害好陷人於罪貪財而募勢故犯法者眾姦邪不止雖嚴刑峻法猶不爲變此非其天性有由然也臣竊攷國風之詩周南召南被賢聖之化深故篤於行而廉於色鄭伯好勇而國人暴虎秦穆貴信而士多從死陳夫人好巫而民淫祀晉侯好儉而民畜聚太王躬仁邠國貴恕由此觀之治天下者審所上而已今之僞薄收害不讓極矣臣聞教化之流非家至而人說之也賢者在位能者布職朝廷崇禮百僚敬讓道德之行由內及外自近者始然後民知所法遷善日

進而不自知是曰百姓安、陰陽和、神靈應而嘉祥見。詩曰：商邑翼翼，四方之極。壽考且寧，曰保我後生。此成湯所曰建至治、保子孫，化異俗而懷鬼方也。今長安天子之都，親承聖化，然其習俗無已異於遠方。郡國來者，無所法則，或見侈靡而放效之。此教化之本，風俗之樞機，宜先正者也。臣聞天人之際，精祲有已相盪，善惡有已相推，事作乎下者，象動乎上。陰陽之理，各應其感。陰變則靜者動，陽蔽則明者晦。水旱之災，隨類而至。今關東連年飢饉，百姓乏困，或至相食，此皆生於賦斂多，民所共者大而吏安集之不稱之效也。陛下祇畏天戒，哀閔元元，大自減損，省甘泉、建章宮衛、罷珠崖、偃武行文，將欲度唐虞之隆，絕殷周之衰也。諸見罷珠崖詔書者，莫不欣欣，人自己將見太平也。宜遂減宮室之度，省靡麗之飾，攷制度，修外內，近忠正，遠巧佞，放鄭衛，進雅頌，舉異材，開直言，任溫良之人，退刻薄之吏，顯絜白之士，昭無欲之路，覽六藝之意。

察上世之務、明自然之道、博和睦之化、已崇至仁、匡失俗、易民視、令海內昭然、咸見本朝之所貴、道德弘於京師、淑問揚乎疆外、然後大化可成、禮樂可興也。

漢書匡衡傳

上疏言治性正家

臣聞治亂安危之機、在乎審所用心、蓋受命之王、務在創業垂統、傳之無窮、繼體之君、心存於承宣先王之德、而褒大其功、昔者成王之嗣位、思述文武之道、已養其心、休烈盛美、皆歸之二后、而不敢專其名、是已上天歆享、鬼神祐焉、其詩曰、念我皇祖、陟降廷止、言成王常思祖考之業、而鬼神祐助其治也、陛下聖德天覆、子愛海內、然陰陽未和、姦邪未禁者、殆論議者未丕揚先帝之盛功、爭言制度不可用也、務變更之所更、或不可行而復復之、是已羣下更相是非、吏民無所信、臣竊恨國家釋樂成之業、而虛爲此紛紛也、願陛下詳覽統業之事、留神於遵制揚功、已定羣下之心、大雅

曰無念爾祖。聿修厥德。孔子著之孝經首章。蓋至德之本也。傳曰。審好惡。理情性。而王道畢矣。能盡其性。然後能盡人物之性。能盡人物之性。可曰贊天地之化。治性之道。必審己之所有餘。而強其
所不足。蓋聰明疏通者。戒於大察。寡聞少見者。戒於雍蔽。勇猛剛
強者。戒於大暴。仁愛溫良者。戒於無斷。湛靜安舒者。戒於後時。廣
心浩大者。戒於遺忘。必審己之所當戒。而齊之。曰義。然後中和之
化應。而巧僞之徒。不敢比周。而望進。唯陛下戒。所曰崇聖德。臣又
聞室家之道。修則天下之理得。故詩始國風。禮本冠婚。始乎國風
原情性。而明人倫也。本乎冠婚。正基兆。而防未然也。福之興。莫不
本乎室家。道之衰。莫不始乎梱內。故聖王必慎妃后之際。別嫡長
之位。禮之於內也。卑不踰尊。新不先故。所曰統人情。而理陰氣也。
其尊適而卑庶也。適子冠乎阼。禮之用醴。眾子不得與列。所曰貴
正體而明嫌疑也。非虛加其禮文而已。乃中心與之殊異。故禮探

其情而見之外也。聖人動靜游燕所親，物得其序，得其序則海內自修，百姓從化，如當親者疏，當尊者卑，則佞巧之姦因時而動，已亂國家，故聖人慎防其端，禁於未然，不己私恩，害公義。陛下聖德純備，莫不修正，則天下無爲而治。詩云：于以四方，克定厥家。傳曰：正家而天下定矣。

漢書匡衡傳

上疏戒妃匹勸經學威儀之則

陛下秉至孝，哀傷思慕，不絕於心，未有游虞弋射之宴，誠隆於慎終追遠，無窮已也。竊願陛下雖聖性得之，猶復加聖心焉。詩云：兢兢在疚，言成王喪畢，思慕意氣未能平也。蓋所已就文武之業，崇大化之本也。臣又聞之師曰：匹配之際，生民之始，萬福之原，婚姻之禮正，然後品物遂，而天命全。孔子論詩，已關雎爲始，言太上者，民之父母，后夫人之行，不侔乎天地，則無已奉神靈之統，而理萬物之宜。故詩曰：窈窕淑女，君子好仇，言能致其貞淑，不貳其操情。

欲之感無介乎容儀宴私之意不形乎動靜夫然後可曰配至尊而爲宗廟主此綱紀之首王教之端也自上世已來三代興廢未有不由此者也願陛下詳覽得失盛衰之效曰定大基采有德戒聲色近嚴敬遠技能竊見聖德純茂專精詩書好樂無厭臣衡材驚無曰輔相善義宣揚德音臣聞六經者聖人所曰統天地之心著善惡之歸明吉凶之分通人道之正使不悖於其本性者也故審六藝之指則天人之理可得而和草木昆蟲可得而育此永永不易之道也及論語孝經聖人言行之要宜究其意臣又聞聖王之自爲動靜周旋奉天承親臨朝享臣物有節文曰章人倫蓋欽翼祇栗事天之容也溫恭敬遜承親之禮也正躬嚴恪臨眾之儀也嘉惠和說饗下之類也舉錯動作物遵其儀故形爲仁義動爲法則孔子曰德義可尊容止可觀進退可度曰臨其民是曰其民畏而愛之則而象之大雅云敬慎威儀惟民之則諸侯正月朝覲

天子天子惟道德昭穆穆日視之又觀日禮樂饗醴迺歸故萬國莫不獲賜祉福蒙化而成俗今正月初幸路寢臨朝賀置酒日饗萬方傳曰君子慎始願陛下留神動靜之節使羣下得望盛德休光日立基楨天下幸甚

漢書匡衡傳

奏免陳湯

湯呂吏二千石奉使顓命蠻夷中不正身日先下而盜所收康居財物戒官屬曰絕域事不覆校雖在赦前不宜處位

漢書匡衡傳成帝初即位

丞相衡復奏

奏徙南北郊

帝王之事莫大乎承天之序承天之序莫重於郊祀故聖王盡心極慮日建其制祭天於南郊就陽之義也瘞地於北郊即陰之象也天之於天子也因其所都而各饗焉往者孝武皇帝居甘泉宮即於雲陽立泰畤祭於宮南今行常幸長安郊見皇天反北之泰

陰祠后土反東之少陽事與古制殊又至雲陽行谿谷中隄陝且
百里汾陰則渡大川有風波舟楫之危皆非聖王所宜數乘郡縣
治道共張吏民困苦百官煩費勞所保之民行危險之地難曰奉
神靈而祈福祐殆未合於承天子民之意昔者周文武郊於豐鄩
成王郊於雒邑繇此觀之天隨王者所居而饗之可見也甘泉泰
畤河東后土之祠宜可徙置長安合於古帝王願與羣臣議定

郊祀志下成帝初卽位丞相衡
御史大夫張譚奏言云云奏可

陛下聖德怒明上通承天之大典覽羣下使各悉心盡慮議郊祀
之處天下幸甚臣聞廣謀從眾則合於天心故洪範曰三人占則
從二人之言言少從多之義也論當往古宜於萬民則依而從之
違道寡與則廢而不行今議者五十八人其五十人言當徙之義
皆著於經傳同於上世便於吏民八人不案經藝攷古制而曰爲
不宜無法之議難曰定吉凶大誓曰正稽古建功立事可曰永年

丕天之大律詩曰毋曰高高在上陟降厥士日監在茲言天之日
監王者之處也又曰迺眷西顧此維予宅言天日文王之都爲居
也宜於長安定南北郊爲萬世基漢書郊祀志下右將軍王商等
議天子從之

上言罷郊壇僞飾

甘泉泰畤紫壇八觚宣通象八方五帝壇周環其下又有羣神之
壇日尙書禮六宗望山川徧羣神之義紫壇有文章采黼黻之
飾及玉女樂石壇仙人祠瘞鸞路騂駒寓龍馬不能得其象於古
臣聞郊柴毛本壇饗帝之義掃地而祭上質也歌大呂舞雲門日
竢天神歌大簇舞咸池日竢地祇其牲用犢其席藁秸其器陶匏
皆因天地之性貴誠上質不敢修其文也日爲神祇功德至大雖
修精微而備庶物猶不足日報功惟至誠爲可故毛本上質不飾
日章天德紫壇僞飾女樂鸞路騂駒龍馬石壇之屬宜皆勿修漢書

郊祀志
下衡言

又言罷雍鄜密上下祠

王者各曰其禮制祀天地非因異世所立而繼之今雍鄜密上下
時本秦侯各曰其意所立非禮之所載術也漢興之初儀制未及
定卽且因秦故祠復立北時今旣稽古建定天地之大禮郊見上
帝青赤白黃黑五方之帝皆畢陳各有位饌祭祀備具諸侯所妄
造王者不當長遵及北時未定時所立不宜復修漢書郊祀志下
衡又言天子皆
從焉

復條奏罷羣祠

長安府官縣官給祠郡國侯神方士使者所祠凡六百八十三所
其二百八所應禮及疑無明文可奉祠如故其餘四百七十五所
不應禮或復重請皆罷漢書郊祀志下是歲衡
譚復條奏云云奏可

奏罷諸毀廟

前已上體不平、故復諸所罷祠、卒不蒙福。案衛思后戾太子、戾后園親未盡、孝惠、孝景、廟親盡、宜毀。及太上皇、孝文、孝昭、太后、昭靈后、昭哀后、武哀王、祠、請悉罷、勿奉。漢書韋玄成傳、元帝崩、衛奏言云云、奏可。

華陰守丞嘉封事對

大臣者、國家之股肱、萬姓所瞻仰、明王所慎擇也。傳曰、下輕其上、爵賤人圖柄、臣則國家搖動、而民不靜矣。今嘉從守丞而圖大臣之位、欲已匹夫徒步之人、而起九卿之右、非所已重國家、而尊社稷也。自堯之用舜、文王於太公、猶試然後爵之。又況朱雲者乎。雲素好勇、數犯法、亡命、受易、頗有師道、其行義未有已異。今御史大夫禹、絜白廉正、經術通明、有伯夷、史魚之風、海內莫不聞知、而嘉猥稱雲、欲令爲御史大夫、妄相稱舉、疑有姦心、漸不可長。宜下有司案驗、已明好惡。漢書朱雲傳、元帝時、貢禹爲御史大夫、而華陰守丞嘉上封事、言朱雲可試守御史大夫、上迺下其問公卿太子少傅匡衡、對已爲。

召孔子世爲殷後議

王者存二王後所召尊其先王而通三統也其犯誅絕之罪者絕而更封他親爲始封君上承其王者之始祖春秋之義諸侯不能守其社稷者絕今宋國已不守其統而失國矣則宜更立殷後爲始封君而上承湯統非當繼宋之絕侯也宜明得殷後而已今之故宋推求其嫡久遠不可得雖得其嫡嫡之先已絕不當得立禮記孔子曰丘殷人也先師所共傳宜召孔子世爲湯後

漢書梅福傳

鄧支縣頭豪街議

鄧支及名王首更歷諸國蠻夷莫不聞知月令春掩骼埋胔之時宜勿縣

漢書陳湯傳丞相匡衡御史大夫餘延壽曰爲云云車騎將軍許嘉右將軍王商召爲宜縣有詔將軍議是

甘延壽陳湯封爵議

鄧支本亡逃失國竊號絕域非眞單于

漢書陳湯傳元帝詔公卿議封焉議者皆召爲宜如

軍法捕斬單于令匡衡石顯召爲

高祖孝文武廟

嗣曾孫皇帝恭承洪業、夙夜不敢康寧、思育休烈、已章祖宗之盛
功、故動作接神、必因古聖之經、往者有司、已爲前因所幸而立廟、
將已繫海內之心、非爲尊祖嚴親也、今賴宗廟之靈、六合之內、莫
不附親廟、宜一居京師、天子親奉、郡國廟可止、毋修、皇帝祇肅舊
禮、尊重神明、卽告於祖宗、而不敢失、今皇帝有疾、不豫、迺夢祖宗
見戒、已廟、楚王夢亦有其序、皇帝悼懼、卽詔臣衡復修立、謹案上
世帝王承祖禰之大義、皆不敢不自親、郡國吏卑賤、不可使獨承
又祭祀之義、已民爲本、間者歲數不登、百姓困乏、郡國廟無已修
立、禮凶年則歲事不舉、已祖禰之意爲不樂、是已不敢復、如誠非
禮義之中、違祖宗之心、咎盡在臣衡、當受其殃、大被其疾、隊在溝
瀆之中、皇帝至孝肅慎、宜蒙祐福、唯高皇帝孝文皇帝孝武皇帝
省察、右饗皇帝之孝、開賜皇帝眉壽無疆、令所疾日瘳、平復反常、

永保宗廟天下幸甚

漢書韋玄成傳

告謝毀廟

往者大臣已爲在昔帝王承祖宗之休典取象於天地天序五行人親五屬天子奉天故率其意而尊其制是已禘嘗之序靡有過五受命之君躬接于天萬世不墮繼烈已下五廟而遷上陳太祖間歲而祫其道應天故福祿永終太上皇非受命而屬盡義則當遷又已爲孝莫大於嚴父故父之所尊子不敢不承父之所異子不敢同禮公子不得爲母信爲後則於子祭於孫止尊祖嚴父之義也寢日四上食園廟閒祠皆可亡修皇帝思慕悼懼未敢盡從惟念高皇帝聖德茂盛受命溥將欽若稽古承順天心子孫本支陳錫無疆誠已爲遷廟合祭久長之策高皇帝之意迺敢不聽卽已今日遷太上孝惠廟孝文太后孝昭太后寢將已昭祖宗之德順天人之序定亡窮之業今皇帝未受茲福乃有不能供職之疾

皇帝願復修立承祀臣衡等咸曰爲禮不得如不合高皇帝孝惠
皇帝孝文皇帝孝武皇帝孝昭皇帝孝宣皇帝太上皇孝文太后
孝昭太后之意罪盡在臣衡等當受其咎今皇帝尙未平詔中朝
臣具復毀廟之文臣衡中朝臣咸復曰爲天子之祀義有所斷禮
有所承違統背制不可曰奉先祖皇天不祐鬼神不饗六藝所載
皆言不當無所依緣曰作其文事如失指罪迺在臣衡當深受其
殃皇帝宜厚蒙祉福嘉氣日興疾病平復永保宗廟與天亡極羣
生百神有所歸息

漢書韋
玄成傳

賜進士出身二品銜廣東等處提刑按察使司按察使兼管驛傳事務黃岡王毓藻校刊

全漢文卷三十四終